

Stgaziatedral e saut dals morts

Das attracziuns spezialas en il Chastè episcopal ed en il Museum d'art a Cuira

DA MARTIN CABALZAR/FMR

■ **La fin da l'emna proxima vegnan dus arranschaments spezial ad attrair l'atenzion dals interessads per l'istorgia culturala en la chapitala grischuna: L'avertura dal «Stgaziatedral» en il Chastè episcopal e l'exposiziun dal ciclus maletgs «Saut dals morts» en il Museum d'art.** Il stgazi da laatedrala è ina collecziun custavla da total radund 200 objects sco reliquiari, objects liturgics e paramenta. Exponids en il nov Museumatedral vegnan radund 70 objects represchentativs ch'illustraschan l'istorgia millennara dal pli vegl uestgieu en il nord da las Alps. L'exposiziun vegn enriçgida d'in ciclus monumental da 35 maletgs che tematisaschan la mort en il temp da la renaschientscha e dateschan da l'onn 1543.

L'avertura uffiziala dal Museum dal dom succeda sonda e dumengia da l'emna proxima cun dus dis da portas avertas. Cuira Turissem ha sviluppà aposta ina guida auditiva, preschents per dar infurmaziuns vegnan er represchentants da la Tgira da monuments e dal Servetsch archeologic ad esser. Pervi da corona sto il dumber da visitaders dentant vegnir limità, ha ditg la curatura *Anna Barbara Müller*. L'inauguraziun vegn arrundada cun ina messa pontificala, celebrada da l'administratur apostolic *Peter Bürcher* en laatedrala.

Puspè accessibel a la publicità

A l'entschatta dals onns quaranta aveva l'uestg lumnezian Christianus Caminada – ch'aveva ina grond'affinitad per l'istorgia culturala – laschè endrizzar en la pitschna sacristia inferiura da laatedrala ina collecziun da reliquiars ed objects liturgics. Quests objects custavels tutgavan oriundamain tar l'equipament medieval da laatedrala e da la baselgia claustrala da s. Gliezi. Cura ch'ins ha cumenzà avant prest 20 onns cun la restauraziun totala da laatedrala han ins stuì spustar quest stgazi en il magasin sutterranean per bains culturals dal Museum retic a Haldenstein. Il medem è succedì cun il ciclus singular e fitg prezios dal saut dals morts da 1543 che sa chattava en il Chastè episcopal ch'è uss medemamain vegnì restaurà. Dapi alur n'èn quests bains cultu-



In dals «stgasisatedrals» en il Chastè episcopal.

FOTO PHILIPP BAER

rals ed ecclesiastics da gronda valita betg pli stads accessibels a la publicità. Tant pli satisfatga è la curatura e presidenta da la cumissiun da manaschi Müller da pudair integrar uss la custavla collecziun en las novas localitads dal Museumatedral. Da nov vegn il Museum dal dom, che

vegn a custar radund 7,8 milliuns ed è finanzià cun considerabels meds publics, pia er ad esser accessibel a la publicità.

Quatter accents principals

Il nov Museumatedral na sa chatta betg pli en laatedrala, mabain en il tract me-

ridiunal dal Chastè episcopal, là nua che l'administraziun era etablida fin qua. Las novas localitads èn spaziusas ed èn vegnidas concepidas cun fin sentiment estetic dals architects *Gion Signorell* e *Marcel Liesch*. Las paraids, ils palantschieus sura ed ils podests per ils exponats ch'èn da lain ulm dattan a l'entir spazi in aspect generus e nobel. Sco quai che la conservatura Müller accentuescha vers la FMR vegn exponida mo ina selecziun da radund 70 exponats represchentativs da l'entira collecziun che dumbra radund 200 objects. «La varietad dal stgazi dal dom lubescha da gruppar il nov creà museum en quatter parts e da cuntanscher uschia ina certa graduaziun tematica», di Müller. Quella duai guidar ils visitaders dal mund profan sur l'uestgieu e la liturgia per la finala arrivar al «salvament». En il pierren da l'exposiziun sa chattan intgins exponats ch'illustraschan la funcziun dubla da l'uestg sco regent feudal cun pussanza profana e manader religius cun competenzas ecclesiastics. En igl dat qua cunzunt ina mitra dal 18avel tschientaner surcusida cun emblems da saida, scalfins pontificals sco er ina spada ceremoniala ed il fist episcopal. L'emprima part dal local principal è deditgada a la liturgia. Ils differents exponats pon vegnir gruppads en pliras gruppas sco crucifixs, tabernachels, chaleschs, ciboris, monstranzas e paramenta. Alura suondan las reliquiars da songts che duain avair ina forza medegionta e vegnan conservadas en reliquiari dorads cun pedras custavlas. Da gronda valita monetara èn cunzunt er las reliquiars d'aur da s. Placi e da s. Flurin.

Il ciclus dal saut dal morts

Da muntada singulara per la Svizra è il ciclus da maletgs monumentals che represchantan il saut dals morts che dateschan da l'onn 1543 ed en concepids tenor motivs da Hans Halbein (1497–1543). Tar il «Saut dals morts» sa tracti d'in saut macaber che demonstrascha la pussanza da la mort sin la vita dals umans, che cumpara sorprendentamain e na schanegia ni ritg ni pover. L'entira collecziun cumpeggia 35 maletgs en format grond, ina selecziun da quels è er da vesair il proxim temp en il Museum d'art a Cuira.